



Ref.: AE/gac
Expediente: 236/20

INFORME DE LEGALIDADE SOBRE O “PROXECTO DE ORDE POLA QUE SE MODIFICA A COMPOSICIÓN E O FUNCIONAMENTO DA COMISIÓN GALEGA PARA AVALIACIÓN DO MANEXO DA TUBERCULOSE RESISTENTE A FÁRMACOS”

Esta Secretaría Xeral Técnica de conformidade co artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, en relación co *“Proxecto de orde pola que se modifica a composición e o funcionamento da Comisión galega para avaliación do manexo da tuberculose resistente a fármacos”*, emite o seguinte informe:

INFORME

1. Marco normativo e competencial

Esta orde ten por obxecto regular a composición e o funcionamento da Comisión galega para avaliación do manexo da tuberculose resistente a fármacos, como órgano encargado de asegurar que os casos de tuberculose resistente a fármacos sexan controlados de maneira altamente eficaz, coa finalidade de evitar que sexan transmitidos a outras persoas e garantir o adecuado tratamento das persoas enfermas; co fin de adaptala á situación actual da tuberculose en Galicia.

Con relación á materia regulada, cómpre ter en conta o seguinte marco normativo:

O artigo 33.1 da Lei orgánica 1/1981, do 6 de abril, do Estatuto de autonomía para Galicia, dispón que lle corresponde á Comunidade Autónoma de Galicia o desenvolvemento legislativo e a execución da lexislación básica do Estado en materia de sanidade interior.

A normativa básica estatal nesa materia é a Lei 14/1986, do 25 de abril, xeral de sanidade. Nela establécese, entre outras, a obriga das administracións públicas de orientar as súas actuacións prioritariamente á promoción da saúde e á prevención das enfermidades.

A Lei 8/2008, do 10 de xullo, de saúde de Galicia desenvolve o previsto na Lei 14/1986, do 25 de abril.





A Comisión galega para avaliación do manexo da tuberculose resistente a fármacos foi creada a través de Orde do 25 de xaneiro de 2001 da Consellería de Sanidade e Servizos Sociais. Posteriormente, a Orde do 17 de decembro de 2013, da Consellería de Sanidade, regulou a composición e o funcionamento da dita comisión, orde que foi á súa vez modificada por Orde do 29 de maio de 2015.

O Decreto 136/2019, do 10 de outubro, polo que se establece a estrutura orgánica da Consellería de Sanidade, no seu artigo 17 cita entre os órganos colexiados adscritos á dita consellería a Comisión galega para avaliación do manexo da tuberculose resistente a fármacos.

De conformidade co artigo 7.1 do Decreto 136/2019, do 10 de outubro, polo que se establece a estrutura orgánica da Consellería de Sanidade, corresponde á Subdirección Xeral de Réxime Xurídico e Administrativo da Secretaría Xeral Técnica, a tramitación dos proxectos de disposicións administrativas de carácter xeral.

2. Acerto e oportunidade

Desde a creación da Comisión galega para avaliación do manexo da tuberculose resistente a fármacos ata a actualidade, realizáronse en Galicia múltiples actividades, tanto no campo da vixilancia epidemiolóxica e da prevención, como no manexo dos casos de tuberculose con resistencias. Froito deste traballo colectivo son os importantes avances conseguidos en Galicia para afrontar esta infección, a enfermidade e as súas consecuencias.

A avaliación dos casos de tuberculose con resistencias nos últimos anos, amosa que en todas as áreas sanitarias se dan casos con resistencias á isoniacida (fármaco fundamental no tratamento da tuberculose).

A situación da tuberculose con resistencias a fármacos na Comunidade Autónoma de Galicia, aconsella modificar a composición e funcionamento da Comisión, co fin de adaptala ás circunstancias actuais e facer o seu funcionamento máis áxil.

3. Tramitación

Polo que respecta á tramitación na elaboración do proxecto normativo, esta acomodouse ao procedemento legal e ás prescricións contidas na seguinte normativa:

- A Lei 39/2015, do 1 de outubro, de procedemento administrativo común das administracións públicas.
- A Lei 16/2010, do 17 de decembro, de organización e funcionamento da Administración xeral e o sector público autonómico de Galicia, en adiante LOFASGA (artigos 40 e ss.).





- A Lei 15/2010, do 28 de decembro, de medidas fiscais e administrativas (artigo 12).
- A Lei 19/2013, do 9 de decembro, de transparencia, acceso á información pública e bo goberno.
- A Lei 1/2016, do 18 de xaneiro, de transparencia e bo goberno.
- O Texto refundido das disposicións legais da Comunidade Autónoma de Galicia en materia de igualdade, aprobado polo Decreto lexislativo 2/2015, do 12 de febreiro (artigo 8).

Consta no expediente o acordo de inicio do procedemento de elaboración da orde do 22.06.2020, asinado pola persoa titular da Consellería de Sanidade (artigo 41.1 da LOFASGA).

Incorporouse ao expediente unha memoria xustificativa do 30.06.2020 relativa á non necesidade de realización do trámite de consulta pública previa esixido polos artigos 41.2 da LOFASGA e 133 da Lei 39/2015, do 1 de outubro, do procedemento administrativo común das administracións públicas.

O centro directivo impulsor remitiu á Subdirección Xeral de Réxime Xurídico e Administrativo o borrador da disposición acompañado dos documentos que de seguido se relacionan (artigo 41.3 apartados a), b) d) da LOFASGA):

- Memoria xustificativa sobre a súa legalidade, o seu acerto e a súa oportunidade do 02.07.2020.
- Memoria económico-financeira do 02.07.2020.
- Táboa de vixencias do 03.07.2020.

Unha vez recibida a documentación e logo do seu estudo, o Servizo Técnico Xurídico I da Subdirección Xeral de Réxime Xurídico e Administrativo, elaborou o preceptivo informe o día 07.07.2020 e obtivo a aprobación inicial do anteproxecto como proxecto pola persoa titular da Consellería de Sanidade o 09.07.2020 (artigos 41.3 c) e 41.4 da LOFASGA).

Unha vez aprobada inicialmente a disposición como proxecto, o día 13.07.2020 o secretario xeral técnico da Consellería de Sanidade acordou que non era necesario o sometemento do proxecto de orde a trámite de audiencia por tratarse dunha disposición de carácter puramente organizativo, pero si a súa publicación no Portal de transparencia e goberno aberto da Xunta de Galicia (artigos 41.5 e 42.6 da LOFASGA e artigo 9 c) da Lei 1/2016, do 18 de xaneiro).

Na tramitación do proxecto e ao abeiro do esixido polo artigo 42 da LOFASGA , solicitáronse e emitíronse os seguintes informes:

- Informe da Dirección Xeral de Planificación e Orzamentos do 16.07.2020.





- Informe da Secretaría Xeral da Igualdade do 21.07.2020.
- Informe da Dirección Xeral de Avaliación e Reforma Administrativa do 21.07.2020.
- Informe da Dirección Xeral da Función Pública de 29.07.2020.
- Informe do asesor xurídico da Consellería de Sanidade do 07.09.2020.

O informe da Asesoría Xurídica non aprecia trabas sobre a viabilidade xurídica do proxecto, considerando que este *“ten soporte xurídico na Lei 16/2010, do 17 de decembro, de organización e funcionamento da Administración xeral e do sector público autonómico de Galicia”* polo que o informa favorablemente, recomendando unicamente que na denominación da orde se faga constar expresamente que esta regula unha modificación da composición e funcionamento da Comisión. A dita recomendación incorpórase na versión definitiva do proxecto de orde que pasa a denominarse *“Proxecto de orde pola que se modifica a composición e o funcionamento da Comisión galega para avaliación do manexo da tuberculose resistente a fármacos”*.

4. Integridade do texto

O texto do proxecto de decreto conta coa seguinte estrutura e contido:

Preámbulo

Artigo 1. Obxecto

Artigo 2. Composición

Artigo 3. Información á subdirección con competencias na materia

Artigo 4. Nomeamento e cesamento das persoas integrantes da comisión

Artigo 5. Funcionamento da comisión

Artigo 6. Creación de grupos de traballo

Artigo 7. Colaboración temporal de persoal técnico

Artigo 8. Réxime supletorio

Disposición adicional única. Crédito orzamentario

Disposición derogatoria única. Derogación normativa

Disposición derradeira única. Entrada en vigor





5. Legalidade

Nas memorias e informes incorporados ao expediente queda perfectamente xustificada a adecuación da presente iniciativa aos principios recollidos no artigo 37 a) da Lei 14/2013, do 26 de decembro, de racionalización do sector público autonómico e o artigo 129 da Lei 39/2015, do 1 de outubro, do procedemento administrativo común das administracións públicas.

A tramitación da iniciativa axustouse rigorosamente á normativa de aplicación e en concreto aos artigos 40 e seguintes da LOFASGA.

En cumprimento do disposto no artigo 43.4 da LOFASGA, o proxecto someterase á aprobación da persoa titular da Consellería de Sanidade.

De acordo co indicado considérase que este *Proxecto de orde pola que se modifica a composición e o funcionamento da Comisión galega para avaliación do manexo da tuberculose resistente a fármacos*, reúne as condicións esenciais para a súa aplicación e efectividade polo que se emite a seguinte PROPOSTA:

Informar favorablemente este proxecto de orde conforme a súa legalidade.

A subdirectora xeral de Réxime Xurídico e Administrativo

Laura Recacho Rivas

A persoa titular da Secretaría Xeral Técnica da Consellería de Sanidade, logo de ver a proposta da subdirectora xeral de Réxime Xurídico e Administrativo da consellería, considera que o proxecto de orde sometido a informe se axusta á legalidade vixente, polo que informa favorablemente (artigo 43.2 da LOFASGA).

O secretario xeral técnico

Alberto Fuentes Losada

